

春
草
堂
集

春草堂集卷三目錄

五言律詩

和張老蘊

鏐見贈韻

送友人歸東村

甘泉山過李處士

謙墓

寄金陵查希聖

洪源

留別

寄萬柳村

春

懷塞外親友

寄所思

晚姓

秋色

歸雅

積雪

李少白

琪

繆香山

鎮

許季青

乃椿

凌芝泉

霄

劉吟芷

世慶

史牧田

謙

汪月樵

之選

湯漁村

攀龍

楊芸士

文蓀

浦情田

承恩

張老薑有再次余韻者偶一讀之不勝悲感仍

用前韻悼之

題陳穆堂

逢衡

讀騷樓圖後

元夕雨用僧菴上人原字

重過燕子磯

泊牛渚

讀騷樓同人語雨

傳說四首

清江浦晤郭頻伽

慶
改七
薌
琦

盱眙道中

登兗州城樓

十一月十五日次鄒縣

次池州

五月十日抵長沙明日同人邀遊嶽麓諸勝即

呈裕餘山方伯泰程春澥學使恩澤

舟中懷沈丹穀烜

旅次黃岡

二十五日至漳州晤方穎參觀察傳穉姚石甫

瑩錢翼堂燕喜兩大令卽席觀察出古出塞

曲四首竝屬依韻和之

二月八日泛澥之廈門島

泉州道中

莆田道中

二十七日之福州省喜晤陳石士督學用光陳

恭甫編修壽祺陸硤城刺史我嵩馮柳東中

翰登府

黯澹灘

老鼠灘

仙霞嶺

七里瀧

富陽道中

庚寅五月蘭姬來歸書以誌感

湖居四首擬陸游

留別通州五首

宿泰興作

春草堂集卷之三

甘泉 謝旌 佩禾

五言律詩

和張老薑鏐見贈韻

白眼聲名久，偏能爲我青。
卅年纔識面，一笑卽忘形。
問酒攜長策，看山駕短舲。
人生重知己，門第厭常經。

送友人歸東村

杯酒餞湖頭，生憎湖上舟。
此時載君去，長夜渺余愁。
殘月一庭白，寒花滿徑秋。
芙蓉隔煙水，欲折竟何由。

甘泉山過李處士謙墓

束髮佐戎幕逢君西郭門殷勤重回首山月冷琴樽身
世嗟漂泊文章在子孫青青松柏下立馬爲招魂

寄金陵查希聖洪源

惆悵離羣後相思積十分有時還把醖無日不思君王
樹風前貌珠璣腕下文年年江水濶目斷楚天雲

十載關河阻音書兩未通江魚空有約仙鶴竟無功來詩

云何時放出西山鶴
騎向維揚訪故人未卜君生死先傷我困窮幾回魂

夢裏攜手石城東

留別

打鼓發征舸，竽箏聲已羅。那堪知己少，偏是別離多。
柳猶如此，庾蓮竟若何。騰君甘蔗在，還爲舞婆娑。

寄萬柳村

春

記否鳴蜩日，薰風泛短查。棹潮歌水調，帶月渡江涯。
竹染千峰翠，榴開五月花。攜書三兩卷，問字到君家。
不識揚雄宅，逢人問草廬。陞從煙樹入，門傍水雲居。
豈敢題凡鳥，偏教賦子虛。試思驢背晚，歸路意何如。

懷塞外親友

聞道邊城苦秋初雪已深黑貂不易得白髮恐難禁鴻雁有時見夢魂何處尋但逢梁月落惟有涕沾襟

寄所思

馬上勞塵盪長征損玉顏孤芳千里夢何日到雲間紫塞連青澗黃河遶黑山年年倚征旆空唱大刀環

晚姓

那堪三十載一事也無成鬢已同衰草心猶重晚姓隔湖新漲潤當戶夕陽明不識今宵月還能永夜清

秋色

秋色若爲情
天空萬象清
山川洗朝露
草木弄新甦
身世嗟雙鬢
關河動遠征
且將今夕酒
斟酌爾月華明

歸雅

作陣歸林晚
高低點畫圖
蒼崖環古木
秋水啄平湖
鯁作飛鴈倦
爭巢氣尚麤
柴門扶杖叟
數到夕陽無

積雪

撒鹽凝四野
飛絮挂林端
澹日烘難盡
狂飈掃未闌
淒涼醫蘇武
寂寞臥袁安
獨有豪家子
猶憎歌吹寒

李少白

琪

春草堂集卷之三

三

冷雨水天際思君倍愴神動經萬餘里況是白頭人花
月江干夜風沙塞上春悠悠行路者誰與話悲辛

繆香山 鎮

潑墨煙雲裏江南老畫師六朝興廢蹟耆舊幾人知日
午山排榻秋深竹映池有時杯酒後天籟發爲詩

許季青 乃椿

春風湖上舟春醖酒句留作客憐同病論詩氣最投天
涯迷斷雁身世感浮漚極目江雲濶相思何日休

凌芝泉 霄

四澥大如此誰憐范叔寒棧雲迷駿骨時雨重豬肝
雲伯明府自結王生韞羞彈貢禹冠幾回同筆研飛夢
時致餽問落江湍

劉吟莊 世慶

風誼兼師友湖干老布衣起居欣矍鑠吾道敢云非執
手嗟歧路論心澹夕暉可憐今夜月愁絕故琴徽

史牧田 謙

不料秋風裏傳來消息真言君邁奇難向夜走風塵湖
澥誰知已家園少替人時余方作客歸思亦沾巾

春草堂集卷之三

四

汪月樵之選

君去餘東日

月樵轉通
州鹽場

花光滿路程嗟余眠病榻未得

餞行旌空剖

雙魚腹難禁
算露情詩龕應有作還望寄

江城

湯漁村
攀龍

緩帶復輕裘關津鎮上游長城傳五字勛業自千秋花
市春盤馬江天夜放舟思君不可見簫鼓憶中流

楊芸士
文蓀

家聲傳蜀國之子況璠璣早佐王珣幕能工索靖書江

流浮遠夢春色靜吾廬何事繁華境門偏水樣如

浦情田 承恩

燕子分飛後斜陽感別離徒聞收駿骨翻使賦荏苒宰
相書空上吾儒志算移春光又流轉珍重向南枝

張老薑有再次余韻者偶一讀之不勝悲感仍

用前韻悼之

餞春嘗記取佳句柳仍青

桃花莽送春以老薑慣送別離人易老幾經攀折柳仍青

爲冠何事門重敏空餘紙上形山花成獨酌秋雨感揚舩
所幸蘇司業能傳于一經

題陳穆堂

逢衡

讀騷樓圖後

一卷孤臣淚藏來百尺樓
珊瑚傳綵筆寫盡古今愁
風雨鐙窗夜波濤江漢秋
竟須留畫本顧愷在揚州
謂敬庵
蘇瓌欣有子手澤不教遺
坐對一樓月清輝鑒薄帷
開河傳韻事歌哭想襟期
我亦栖遲者臨風動所思

元夕雨用偕莽上人原字

本擬翦春韭邀君共此宵
長空忽風雨小院罷笙簫
冰雪寒無滯梅花色白嬌
如膏皆帝澤算放酒盈瓢

重過燕子磯

數年不到此今歲兩經過
世事原無定吾生奈老何
晨星悲舊雨霜鬢尚開河
日暮維舟處蕭蕭落木多

泊牛渚

溫嶠燃犀處青蓮高咏時
西江舊明月還爲照題詩
霜露千家夢鄉心兩鬢絲
昇平無夜警何事角頻吹

讀騷樓同人諧雨

同坐讀騷樓新茶綠一甌
故人皆舊雨初夏似深秋
柳帶千行溼雲停八表愁
俗它琴上潤聊爲寫離憂

傳說

傳說高家堰今年異往年居民多泛宅波浪自橫天依
舊長淮水難通轉漕船宣防從古重大府況多賢

瓠子歌聲裏驚飈向夜來千家庚癸夢四野雁鴻哀漂
泊原吾輩乾坤此劫灰諸公須努力莫負濟川才

田廬荒沒後潮尚打空城北極勞宸慮潼關方用兵
側身餘涕淚遊說敢縱橫一片寒蘆色蕭蕭夜月明

聖主方宵旰東南倚重臣調和資國用利濟在生民
四省軍儲積重洋幟旆新波濤如不險原可作通津

清江浦晤郭頻伽

磨改七鄰琦

今日袁公浦相逢總故人客懷悲老大花事又殘春何處雲山鶴來窺碧澗鱗河防原重鎮旌旆耀通津

盱眙道中

漸入都梁境驅車大道旁山居民自靜孟夏晝方長暝帶洪湖水高低碎石牆祇須三百里東望是維揚

登兗州城樓

杜甫趨庭後滄桑屢變遷至今餘一壠碑紀中興年漁牧喧城市牛羊踐晚煙鳬山雖在望裴足不能前

十一月十五日次鄒縣

鄒縣民風厚巍巍亞聖祠青蒼森竹木碑版壯淋漓月
又當頭轉人偏感別離遙憐妻妾輩應自卜歸期

次池州

竟夕愁風雨危檣倚郡城波連秋浦濶山讓九華明晚
飯餘鰕菜長鑱寄死生江天一輪月無限客中情

五月十日抵長沙明日同人邀遊嶽麓諸勝卽

呈裕餘山方伯

泰

程春澥學使

恩澤

傳是衡山脈湖湘此巨觀青楓三百本盛暑逼人寒窄
陘新遊屐豐碑舊宰官登臨無限思江水自漫漫

舟中懷沈丹穀烜

嶺上梅花發津邊鼓吏催
攜琴復攜酒同上粵王臺
我已琴三弄君曾酒百杯
非關惜離別珍重鬢毛衰

旅次黃岡

閩粵此分疆依山築女牆
戍樓喧邏騎解舶隱危檣
言語雖重譯衣冠無異裝
所欣民力健汲井下春秧

二十五日至漳州晤方穎參觀察傳穉姚石甫

瑩錢翼堂燕喜兩大令卽席觀察出古出塞曲

四首並屬依韻和之

毳帳擁閼氏明駝羽檄馳霜天喧畫角北斗殷珠旗法
網寬三面天兵降六師起家諸將帥多半羽林兒

鳥鼠嗟同穴牛羊本異牢當時論戰伐河朔最功高豈
意煩回紇身先入不毛卽今洮水上時有舊弓刀

受降城外月還照漢家營萬木斬爲柵少年戍作兵干
戈雖擾攘賞罰自分明誰謂由天倖請聞刁斗聲

春深雪作泥夜盡塞烏啼間氣鍾河北渾天出澥西弓
刀寒玉帳碁枰亂金闥忽奏天山曲歡呼疊鼓聲

二月八日泛澥之夏門島

泛漈何空濶如萍未有踪風聲覺來往夜氣混魚龍老
病醫無効鄉書淚幾重殊音終莫辨異味却來供

泉州道中

崎嶇辭峻嶺風雨入泉州近漈魚鮮少逢春竹樹稠閭
閻雖尚武械鬪不關讐緩緩洛橋上看雲生莫愁

莆田道中

昔重南安郡今看烏石山平疇環綠水仙境在人間俗
未荔枝熟空憐雉子班袈裟僧獨異婦女蓄妖嫺閩僧蓄妻妾者竟不爲怪

二十七日之福州省喜晤陳石士督學用光陳

恭甫編修壽祺陸疎臧刺史我嵩馮柳東中翰

登府

連袂三山驛天涯聚德星藜燃劉向火口授伏生經酒
氣醺花醉山光入檻青墻東烏柏樹乳燕又梳翎

黯澹灘

俗訛爲鴨蛋灘

黯澹灘尤險雙奔激怒流風沙攢萬箭生死繫孤舟所
歷皆奇境憑誰說壯遊東南九都會天地此沙鷗

老鼠灘

一鼠竄山顛孤舟左右旋乾坤無假借圖書有真詮老
病惟思睡野花空自妍更聞向巴蜀三峽任長年

仙霞嶺

一闕盤萬級門戶首三衢春滿江山縣花明念八都人
疑立霄漢身祇伴樵蘇前路行應遠驅車任僕夫

七里瀧

泊岸瞻祠宇先生正少年君王分半榻山水繫前緣志
已巢由並恩非雨露偏淮陰嗚咽水弓狗竟誰憐

富陽道中

桐廬一江水環繞富春山向晚潮初落經年人未還舟
浮星月下城傍水雲間晚飯蓴羹滑漁歌幽且嫺

庚寅五月蘭姬來歸書以誌感

白髮我如此紅顏卿可憐半生甘寂寞一笑了因緣繡
出才如虎吟成句欲仙

姬能詞善繡

珊瑚新筆格不爲畫眉

傳

湖居四首擬陸游

吾欲勤耒耜結廬湖水東蓑衣新製綠菰米午炊紅半
畝秋蔬雨一林黃葉風桑麻從未識把酒問鄰翁

柴門遙矚目香遍稻花秋風送銜蘆雁人牽醬草牛眼
前皆自得身外復何求採藥荷鋤者遠歸山陁幽

湖千秋最好風物稱閒居蟹壯霜濃後雞肥稻熟初山
妻催剝棗野叟約觀魚桑輿收芸葉春來恐蠹書

年豐村落裏門戶半新增合掌僧求米一聲人賣菱烏
絲漁戶網紅字酒家鐙對此莼鱸嫩長歌懷季鷹

留別通州五首

寂寞江天際飄飄類轉蓬紫琅山色好難以息征鴻偶

爾聆清語新豐歎道窮

來札有杜牧馬周等喻

苑園留半冊聊以

報仁風

王庶常
汝霖

半載崇川佳論交祇有君澹懷原似水高誼況如雲上
已傳佳句重陽惜暫分蒼茫煙水濶惆悵鷺鷥羣

王司
馬實

穎

香發桂花天征帆向曉縣自茲一爲別重聚又何年華
髮生鄉思青雲滿目前門多楊柳樹留繫孝廉船

楊茂
才廷

譚

一語成知己忘年續古歡西河方抱慟東郭本清寒皓
首嗟離席朱萸強自看臨歧無別囑祇是飯加餐

保鳳
池丈

金蟾

同是栖栖者君能賦兩京才偏輕里閭名已動公卿肝
膽傾杯酒交情重死生月中新桂樹何事有虧盈保主
簿大

章

宿泰興作

一宿空山寺虛堂生驟寒重衾憐夢短五月怯衣單地
脈知江近農心得雨安夏蟲徒嘖嘖却要語冰難

春草堂集卷四目錄

七言律詩

卽席呈吳山尊學士

贈朱福壽

初度

遣興

登鎮海樓望江南諸山

送親友出關

湖千秋柳

懷人

九日

送內弟之塞外省親

歸來

題壁

瓜步訪玉珠校書不值

贈張尊生

贈陳邸

覆毓峰居士

冬日

湖上晤范雨村

李少白至

遊仙

和朱夢香女史見贈韻

一枝

楊雙珠屬題織錦圖小照

小題襟館留贈錢壽芝女史

和徐心農見贈兼索畫幅

柳

喜晤繆香山徵君

五州山弔恬菴上人

留別臥雲僧萬大柳村

書王穀之都尉二波軒詩草後

曩夢雙珠校書袖團扇書小詞醒後枕上猶記

鳳泊鸞飄四字未測其意今接來書始知是
夕隨某宦北上矣

寄李載陽

哭崔九

寄月樵明府

寄阮梅叔

無題

情輓

無題

會友人問病

偶成

秋江雜興

送人之東省

題胡智珠夫人琴松風圖

書周鹿坪州佐枕蕉吟館詩集後

寄克剛弟

和友人暮春述懷韻

清池上人六十臘

偶成

卽席呈邢總戎

辛巳立夏前一日月樵剛府招同人餞春桃花

算轉瞬一載風光依舊而伯治少白遠道飄
零山尊老蘊先後謝世慨然有作

和許季青淮泗道中四十初度原字

嫩人雜咏七首

愁中

夢中

簾中

騎馬

舞劍

釣魚

參禪

無題

重過綠野山莊

張尊生屬題嫩人論劍圖

送尊生別

三月三十日同人集桃花菴卽席分韻

過友人山莊

送沈丹穀歸漢陽

九月十日陪錢次軒熊介茲兩觀察汪劒潭太
守僧院觀菊

贈艾霽山

同艾霽山遊建隆寺作

偶成

送張雲巢都轉之任長蘆

寄張舸叅司馬

輓李廉未

偶成

哭介茲觀察

春聲

春色

春曉

春陰

春寒

春姓

送浦情田都尉入都徐牧莽刺史之粵

贈曹長甫山長

儀徵逢陳櫟園畫史

書馬元伯水部塞上草後

書姚石甫大令後湘集後

登大觀亭弔余忠宣墓

江上阻風有懷穆堂同祖

登太子磯

江行得廖鐘隱明府約遊桂林洞庭札子

臬姬祠題壁

重之姑孰呈王寅軒大令

金陵鳳凰臺弔李白

舟泊江陰呈湯漁村都督

偶成

送曾賓谷侍郎入都

呈張雲巢鹺政

送唐陶山中丞返金陵

十一月十五日客姑蘇作

汪湘舲顧鐵卿招飲月芳校書寓廬忽接邸報

舟中書事

贈歸佩珊夫人

客中得一長劒感而賦此

過青浦弔王蘭泉司寇

楊花有贈

富筠圃觀察過訪卽席湖舟賦呈

呈鄭夢白都轉

北行之際偶有所觸率成長句六首

邾城道中和筠圃觀察韻同汪以樸茂才

豁陽道中呈以樸

登岱

九日登陶然亭

十月六日將出都姚秋農王蓮府兩尚書李芝齡侍郎李春湖副憲陳石士宮詹姚伯昂侍讀朱椒堂京尹吳蘭雪中翰皆有題贈之作留此志感

和乚仙韻

濟南旅次送筠圃觀察先回淮署

別汪以樸

次袁浦對梅有感率成一律呈張芥航潘芸閣

兩河帥沈敘軒觀察

翌日三河帥暨觀察各有題贈書此誌感

春草堂集卷之四

甘泉 謝莖 佩禾

七言律詩

卽席呈吳山尊學士

肅

蓬萊宮日映花磚 天子曾呼算上船
彩筆自能干氣象 玉樓誰不繡神仙
鶯花愛住揚州月 衫袖常攜御鼎煙
我愧心香遲一瓣 至今纔識李青蓮

落筆真能泣鬼神 同聲淮澥唱陽春

嘗讀學士詩於淮澥同聲集

衣

成天女原無縫 水到桃源別有津
文字得非傳福命

朝廷原自重詞臣請將濟寓昇平樂譜入歌詩會聖人

年年征露溼雕鞍萬里雲羅雁影單馬待孫陽空冀北
米憑顧況問長安逢場杯酒論交易是處關河行路難
惆悵滄江淹歲月名花多半霧中看

倚遍江南舊酒樓青山紅樹總閒愁已無大廈遮張泌
更有何人識馬周梨棗無非供一笑姓名何敢望千秋
時學士索
觀拙集
欣逢季札觀風際此集權當素縞投

贈朱福壽並敘

庚辰夏余飲於張少府

景沂

席間適朱生福壽

至自京師余耳其名舊矣已而勸酒鐙前徵歌
筵上停觴揜袂繼以欬歔知其返而自傷不免
有漂零之感余亦早歲羈遲頻年落拓對此景
光能無悲悼于是作詩贈之

老去風情尚宛然一聲聲唱想夫憐應知夙契三生薄
竟未相逢十載前紅藥映階春已晚綠雲擾鏡月空圓
適聞水調新翻曲可是岐王舊管絃

初度

簪笠芒屨三十春白雲絆得此閒身酌殘明月一壺酒
食遍秋風二畝蒔病似維摩常謝客才非王粲亦依人
北堂萱草滋榮甚天許忘憂敢怨貧

此日雙開白板扉此身久與世相違看花不省牡丹貴
採藥深知遠志稀招隱有詩皆妙諦游仙無曲不忘機
山妻也解閒居好蓮葉初成楚客衣

埽罷庭除足自娛何妨牛馬任人呼雖無長者停車轍
亦有名山在畫圖此日棄繻心已澹當年漂麥意何迂
願將廢筆營成塚好待詩魂葬艾湖

遣興

清風吹入大槐安醒後猶溫食一簞漫道生涯衣犢鼻
肯因口腹戀豬肝雁多辛苦難趨熱松不繁華轉耐寒
偶檢陳編餘一笑生前誰復識方干

巢林僧得一枝栖再到桃源路已迷孤守庚申猶拜月
燕知戊己不銜泥難忘舊誼曾留劒幘向鄰家轉乞醯
閉戶擁書貧亦樂何妨凡鳥任人題

登鎮澥樓望江南諸山

更上層樓目已窮諸峰羅列大江東地分吳楚千岑碧

天遣孫曹一炬紅滾滾塞鴻翻雪浪蕭蕭霜杵響秋風
客中憶客關情甚有弟天涯類轉蓬

送親友出關

渭城一曲思冲冲楊柳無情色轉濃多病那堪垂老別
此生可得再相逢地踰秦楚四千里關阻崢嶸百二重
倘使炎飈回太華始知天外有三峰

一輛征車萬仞山歡場到處且開顏聖朝雨露隨時
降平地波瀾詎等閒久住莫教傷馬角得歸何用唱刀
環它年得遂西征願管領春風度玉關

湖千秋柳

長條黯澹使人愁
蓬裏關山故國秋
涼月拂殘紅蓼岸
西風搖碎白蘋洲
重開青眼知何日
記得纖腰是此樓
張緒有靈應笑我
年來減却舊風流

懷人

天末涼風起
敝廬懷人秋
思夜何如
聽殘蟀
蒼千聲杵
盼斷長安一紙書
鴻雁也知砂磧冷
黃花無奈鬢毛疎
嗟余久病空
皮骨難向當時效
曳裾

九日

滾滾秋河起素波相邀隨意踏煙蘿節當九月黃花瘦
人在中年白髮多稍喜天涯歸弟妹不勞雁足向關河
放懷盡飲今宵酒差勝它鄉作嘯歌

送內弟之塞外省親

勸君盡飲酒盈卮不比尋常送別時親戚廿年同骨肉
關河萬里忍分離春回紫塞笳聲壯冰走黃河馬足遲
珍重萊衣衣上淚相逢莫對白頭垂

歸來

策倦江湖瘦蹇驢十年漂泊賦歸與漫言北澗多名士

稍喜東山有敝廬地下親朋一抔土天涯弟妹幾封書
病餘愈覺慵疎甚怕近圍棋懶釣魚

題壁

當年曾此聽琵琶此日重來感歲華客路行踪似萍梗
兒家門巷賸桃花依然春水環城綠無復雅黃點鬢斜
爲我燭光移檻外算教照見舊紅紗

瓜步訪玉珠校書不值

三尺青琴一葉舟彈煙撐雨下瓜洲江空日暮雲何處
袖倚天寒竹尚留簫局任堆簾夾膝紗厨微露錦纏頭

縱能有夢尋君去知在金陵第幾樓

贈張尊生

華胥夢醒恣遨遊冀北江南爪跡留宋五一生多坦率
鄭虔三絕自風流天涯身世雙蓬鬢兒輩功名任馬牛
一襲蓑衣一竿竹煙波無那泛虛舟

贈陳郎

堂開畫錦起笙歌綠酒紅鐙襯綺羅垂手竟能翻玉珮
發聲偏自唱黃河天涯淪落誰知已年少漂零可奈何
我本梁園舊詞客青衫那不淚痕多

覆毓峰居士

湖頭十載舊鷗盟
甘守蓬門風味清
我愛疎狂共杯酒
誰憐貧病盡親情
性同蘇晉輩無分
技學君平卜最精
冷澹生涯須自耐
繁華翻恐悞聲名

冬日

漫道冬來景物闌
貧家猶自有餘歡
友朋不恥綈袍敝
兄弟翻憐布被寬
燭灺擁書翻夜永
漁竿帶雪釣江寒
山谿處處梅花好
幾度撩人醉眼看

湖上晤范雨村

凌雲

春草堂集卷之四

還從鎮海樓頭醉一別春風又幾年
稍喜清狂仍復爾相看衰鬢兩茫然
我方詩擬辭家別君竟琴彈故國絃
余方卜居西山雨村轉筆 卷湖上 遮莫雨雲翻覆甚樽前莫惜酒如泉

李少白

琪至

少微星忽次湖千杖履高歌蜀道難
江筆豔符千載夢阮囊羞贖一錢看
扶疎草木虛堂靜潦倒杯盤濁酒寬
飯罷出郊同極目玉鉤西畔月輪寒

游仙

色奪芙蓉氣勝蘭上清宮外倚欄杆
橋填烏鵲情何在

花綻紅絨唾未乾雲母屏開春晝永水晶簾動曉光寒
玉郎笑捧珊瑚樹會向瑤池取次看

珮環交錯韻琤琤長袖輕裾集鳳城雲本無心時出岫
花多可愛不知名靈妃湘水青瑤瑟子晉緱山碧玉笙
試問未歸香案更有誰調笑董雙成

和朱夢香女史

南見贈韻

并州選得剪刀來霞綺雲牋一色裁度線金鍼還度曲
量縑玉尺更量才筆花有兆徵鴛夢鏡月常圓異蚌胎
聞道秦嘉好夫聳也曾問字到妝臺

一枝

一枝紅出宋牆東。鵲不填橋路，怎通此夜聞箏。知趙女、有誰騎鳳，入秦宮。微微粉褪茶蘼，月冉冉香飄豆蔻風。何事惱人眠不得，數聲鶯語，隔簾櫳。

楊雙珠

也園

屬題織錦圖小照

髻似堆雲臉似霞。年年春色滯天涯。不同蘇蕙猶工錦，若住耶溪合浣紗。紅燭漫教籠翡翠，青衫曾爲溼琵琶。嗟君薄命花相似，雨雨風風度歲華。

近水芙蓉向曉開。曾因走馬到章臺。宓妃不吝珊瑚枕，

謝朓終慚綺麗才彩鳳自隨雅去後伯勞能共燕飛回
無端竟夕梨雲夢釀出相思寸寸灰

妙手翩翩寫洛神凌波羅襪竟生塵臺多楊柳含風瘦
宮有桃花泥露新杯酒尚聞澆小小畫圖能不喚眞眞
明年射雉場邊過還望珠回合浦春

小題襟館留贈錢壽芝女史

蓮因

龍紋寶鏡鑄秋心鳳尾香羅繡薄陰一代清才推詠絮
千秋韻事屬題襟樓藏玉尺量天下座擁冰壺貯古今
偕問卽今誰沈宋夜珠明月費沈吟

和徐心農

笠

見贈兼索畫幅

吹縐春波帶夕曛
風光如畫感鷗羣
妻孥城北曾驕我
人物江東僅見君
破壁龍飛晴易點
曲屏蠅誤墨難分
何妨翦幅吳淞水
惠我瀟湘一段雲

柳

黃鶯藤蔓總離情
對此令人百感生
幕府自傷王孝伯
關河誰識庾蘭成
閨中已悔封侯意
蓬裏休吹出塞聲
我本烏衣舊公子
臨風惆悵武昌城

喜昭繆香山徵君

續

朝辭江北莫江南爲訪詩人一扣關時後千金開側隱
豪端六法俗消閒人居太古羲皇上家在煙巒水竹閒
始信翠屏洲上客

謂柳村

諄諄爲我語香山

五州山弔恬菴上人

再到精廬已十年支公不見淚潸然聲華幸已歸羣雅
恬菴詩已入羣雅集衣鉢還欣有後賢

謂臥雲問渠

千里封書猶記取

五州山月幾回圓可知策馬南來日腸斷春江雨雪天
留別臥雲僧萬大柳村

鄉心無那夜深杯紅燭燒殘曉漏催三宿牀聯風雨夜

一編詩論古今才梅舒澹色香纔古箴帶離聲韻自哀
知否臨歧長揖後揚鞭強作笑容回

書王穀之都尉

嘉福

二波軒詩草後

解唱黃顰便有聲生年二十已專城曾聞叔子親調藥
不愧終軍願請纓春雨潤霑營柳細秋風時勁角弓鳴

聖朝卹典恩尤重莫使聲名墮杲卿

聞先夫子
罵賊死節

我本江東舊比鄰烏衣巷口綠楊春一從白雪窺鴻爪
幾欲梅花寄故人笳鼓但能傳競病功名原不在麒麟
請將五色囊中線繡出弓衣字字新

疊夢雙珠校書神團扇扇書小詞醒後枕上猶
記鳳泊鸞飄四字當未測其意今接來書始知
是夕隨某宦北上矣

鸞飄鳳泊總前因慚愧明珠掌上身巫峽行雲原是夢
雛花如錦却非春歌傳南國雙紅豆家在青谿舊水濱
示我齊紈應有意關山從此障征塵

寄李載揚

春曦

春盡記傾婪尾酒留君征櫂語深宵客中作主慚清況
紙上傳神笑白描短燭釀花催曉箭疎星隨柳下寒潮

當時儘有琴弦在未敢樽前譜六么

每逢時雨悵離羣白眼纔青袂又分知己宛同徐孝穆
風流仍是杜司勳紅蓮幕裏春偏暝碧玉壺中酒正醺
聞道公卿虛左席待君紆策護慈雲

穀中消息動江濱我亦辭家採白蘋壯志未銷思擊楫
頻年無計祇依人雖藏毛遂囊中穎鋏吐馮驩指下春
轉笑年年空作嫁鴛鴦也學繡時新

蒹葭侵露復侵霜此後相思各一方月挂蔣山波尚冷
風回袁浦夢猶香參差星斗翻棋局迢遞山川飽畫囊

驛使梅花津吏柳故人珍重寄江鄉

哭崔九

廷楠

折將大庾嶺頭梅千里曾蒙寄水隈感到深情頻悵望
未防小病竟泉臺燒殘紅蠟裁詩去讖驗青蠅吊客來
此日生芻蕘薄魯側身西望不勝哀

寄月樵明府

折得空山雪一枝樽前算謂寄書遲別來魚雁無消息
幻到雲霞有所思草木扶疎叨夜讌辰星寥落感秋期
謂老蘊山尊
先後謝世
衙空近日閒吟際可有新詩及故知

寄阮梅叔

記訪瀛舟破碧煙仙人居址號瑯嬛雲流屋角虛生白
月到天心靜入禪朋酒分簪紅芍藥春鞍同繫鐵連錢
於今雪滿江城路可許梅花驛使傳

門施行馬擁旌麾室有藏書畫下帷
澥內文章蘇軾轍日邊聲價宋郊祁
春消瘴癘恩何重澤及泉臺德可知
芸臺制府賢明張時所刊
英靈諸集詩曰少結贊成
最是羨君無貴習夜深燒燭
坐編詩

四泮郵筒寄選樓爭傳蕭統在揚州詞場別具千秋業

金粉全銷六代愁。筆固有天參造化。松能無夢兆公侯。

明年花踏長安日。擬向珠湖借釣舟。

謂明經珠湖漁隱圖云

我亦能吟五字詩。多君高誼爲題詞。一編從此傳皇甫。
到處何嘗悞項斯。野水名山歸畫舫。垂楊細柳入鞭絲。
自慚李白烏樵曲。竟有當時賀監知。

無題

轆轤轉入鬱金堂。簫局斜堆鳳尾裳。多謝花牋傳白雪。
敢辭玉杵搗元霜。文章雅愛盧儲卷。簾幙空分韓掾香。
打起黃鸝休打鴨。芙蓉深處宿鴛鴦。

嫣然一笑下陽城，態短還愁減一分。
玉妬帳綃空冶豔，葉飄溝水自殷勤。
春風簾幕歌難再，夜月琵琶曲忍聞。
轉賴司空頻見慣，巫山不愛此間雲。

嫋嫋娉娉骨尖勻，流風迴雪擬丰神。
怕聞薄倖郎名益，曾道高樓妾姓秦。
私語無人盟七夕，戲情分草鬪三春。
誰知擲笛宮牆外，偷得霓裳一曲新。

情輓

庚申客金陵，遇情於馴象門外。
越三年復訪之，人琴杳矣。
展簪時小像不勝涕泗，遂依自題原

韻輓之

無端錦瑟感年華
碧玉當時未破瓜
夜雨挾愁飄屋瓦
春風和夢度牕紗
寶鐙空照崔羅什
妙藥難尋古押衙
賸有羅衫情不滅
啞痕着處總生花

牡丹香暝豔銷魂
一捻焉支蹟尚存
祇廟無緣焚白晝
藍橋多恨漲黃昏
雲開新月斜留影
風縐澄波轍有痕
崔護重來腸已斷
青青芳草冷閒門

一幅崔徽自寫真
寄來宛似舊丰神
劇憐璧月將圓夜
其奈瓊花已謝春
滄澥有書憑柳毅
仙山無夢到劉晨

追思僧苑同題壁紅袖殷勤爲拂塵

春風回首太無聊
鈿盒空餘翡翠翹
江上有時聞鼓瑟
橋頭何處覓吹簫
夢徵雲雨關情重
心化樓臺待淚消
惆悵舊時隄畔柳
向人猶自弄纖腰

無題

香綻東林智慧花
夢回神女了生涯
可憐金谷情無那
底事瑤池路却賒
希浪曉翻沙苑馬
酒波春泛赤城霞
愁多自笑非張碩
稽首桀鸞萼綠華

尋芳拾得舊花鈿
一縷金條脫臂纏
素素挽回詩裏戲

眞眞喚醒畫中緣月明麗水金生暈風暝藍田玉吐煙
陌上好春端緩緩笑舉珠箔憶當年

盥手溪邊盥手香一回相憶一沾裳烏絲慣擬簪花格
綠鬢慵施墮馬妝詩好不憎羅隱陋情深翻妬馬卿狂
不知萬里橋邊月還照枇杷顆顆黃

畬友人問病

愁多容易感支離一榻薰風午不知神散幻成疑我夢
情眞寫作畬君詩家貧轉賴藏書富婚早偏教得子遲
自笑已同仙辟穀却勝渺渺訪安期

偶成

歷覽前賢是與非
冰天無語弔斜暉
江東子弟皆純袴
冀北公卿半布衣
雪尚有圍憑柳解
春能無信報花飛
馬頭生角烏頭白
腸斷天涯客未歸

芙蓉舊主錦官城
拾得金環悟此生
不是官階輸杜牧
那能詞曲勝耆卿
一池春水風吹縐
滿目冰山雪釀成
唱到飛龍來藥店
秦王應製卷衣聲

疎雨微雲夜靜時
亂頭龐服繫遐思
旗亭舊賭黃河曲
樂府重翻白苧詞
詩不自然緣懶
事多錯處在狐疑

綿綿遠道河邊草試問何人夢見之

秋江雜興

寂寞空江萬木凋孤舟江上坐寒潮關河有客迷征戍
謂塞外風雨何人載酒瓢落日荒煙埋故壘斷碑殘碣

親友

認前朝如何李杜無科甲一樣功名史上標

已覺繁霜入鬢多年年歲歲歎蹉跎劉琨起舞心空壯
子野聞歌喚奈何覆雨翻雲無限夢朝汐夕滯幾層波
袖中墨瀋欣還在待寫黃庭換白鷺

送人之東省

輪蹄碾雪叩柴荆，猶記相逢笑語迎。
寒夜肯辭雙燭豔，貧交無礙一樽清。
香浮芍藥偏離席，粉墜芙蓉欲送行。
東道故人如見問，憑君爲報別離情。

題胡智珠夫人

相端

琴松風圖

巾幘幽懷思不羣，鳴鑪香繞碧羅裙。
偕它嶧嶺桐三尺，譜出揚州月二分。
鴻雁夜眠沙有蹟，松濤秋捲水生紋。
畫圖省識春風後，習習聲猶紙上聞。

書周鹿坪州佐

喬齡

枕蕉吟館詩集後

琤琤冠劍走彭城，綺歲關河動遠征。
才子功名詩卷在，

天涯肝膽酒杯傾
山舍楚帝褰旗色
水帶韓侯把釣聲
千古興亡重憑弔
篋中涕淚不勝情

寄克明弟

我貧鄉井緣親老
汝受風霜爲友于
佳節每思雲外雁
慈幃終憺雪中珠
琴書祖德諄諄守
薪水年荒草草敷
當此少年須努力
門庭衰薄仗持扶

和友人暮春述懷韻

整轡東皇似欲歸
凭欄有客惜春暉
紅稀江店鶯聲老
白滿章臺柳絮飛
皓月難防雲氣暗
好花偏與暝風違

可知是事無如酒一醉高歌萬事非

清池上人六十臘

遠公高躅寄塵寰鶴在清霄月在山隨手萬花拋色界

當頭一棒破禪關不辭畫壁招名士

張桂巖縣佐嘗于法華寺爲上人寫

六合圖

曾爲金經識

聖顏此日從頭論甲子定多青

鳥下雲間

白馬馱經出

帝鄉袈裟常帶

御鑪香人來

闕下

聲名重春到壺中日月長四境公卿爭問訊九天花雨
佐飛觴剗身乞腦渾閒事好把菩提種十方

一從卓錫艾湖頭我最相親似白鷗前輩嘯歌曾此地
寺旁斗野亭有前輩
嘯歌仍一堂之句
斯時溝水尚西流
寺前溝水西來
世稱西來水云
窗虛牛斗三春月水滿陂塘一葉丹畢竟如來生日好
青蓮香裏萬花浮

酒香南山祝釋迦廚開香積泛流霞虎谿一笑原無那
龍樹三生信有涯兆壽已徵霜後柏呈詩欲博殿前紗
曾稽太守如相問漫道文章屬謝家

偶成

蟬噪聲中獨倚樓愁看新綠下芳洲過河難免枯魚泣

入市翻貽腐鼠羞滿目雲山多北向驚心歲月感東流
詩成算謂多哀豔庾信江關早白頭

卽席呈邢總戎

早聞遼澥戮鯨鯢春送飛花過五谿萬里長城檀道濟
天山三箭薛征西威留銅柱標沙漠德被樓船靖鼓鼙
幸際昇平期報國盡銷兵甲命鋤犁

辛巳立夏前一日月樵明府招同人餞春桃花
莽轉瞬一載風光依舊而伯治少白遠道飄零
山尊老蘊先後謝世慨然有作

畫船簫鼓綠楊天回首僧房感舊緣北澣記開櫻筍宴
江淹曾賦別離篇綠波春水仍三月風簫離亭又一年
添得傷心兩行淚遠方書札墓門煙

和許季青淮泗道中四十初度原字

客途春酒問如何竟有長淮竹柏歌感我壯遊還記憶
秋風匹馬此經過荒煙澤畔鰲祠古流水聲中釣艇多
今日把君詩卷讀愁心無那繫黃河

依人蹤蹟總堪憐斷雁浮雲夕照邊落落青袍仍故我
蕭蕭班馬自當年眼空天地耽吟癖頭白江湖只醉眠

借得春光介君壽桃花含雨柳含煙

讀鮑海門集至嫩人雜咏見其託意清新不無
感慨余亦效其體而廣之得七首

愁中

深苑熏籠獨倚時簾波疊疊簾紋欹有絲怕織機中錦
無葉能傳水上詩鈴索護花春竟老鑪香坐月夜偏遲
相思誰識鐙窗下劃斷金釵第二枝

夢中

一枕槐陰訪狹邪瓦飄春雨是兒家羅浮月照梅千樹

楚岫雲歸水一涯
栩栩不知羣化蛻
姍姍猶覺鬢堆鴉
欄杆試問啼妝淚
畢竟非耶與是耶

簾中

銀鉤曲曲影沈沈
語隔微風似不禁
多謝贈香曾注目
可憐記曲最勞心
波紋涉足春猶淺
草色侵羣綠未深
掀處未妨雙燕入
窺人故故剔紅襟

騎馬

長鞭窄袖籠微寒
雪色花光共一團
曉入宮門眉澹掃
春歸塞上淚輕彈
鞞尖小鳳藏金癸
羣袂雙鴛夾繡鞍

笑煞採桑人不識幾回錯認是蠶官

舞劍

公孫豪宕咎曾聞又見當筵舞夕曛千點霜花翻翠袖
一條雪練走湘裙琤琤環珮聲相雜裊裊絨絨色不分
怪底今宵看婺宿橫斜也帶七星文

釣魚

吹開蓮葉曉風和纖手持竿碧澗阿投餌自然常有浪
維舟翻使戰無波剖開鯉腹書還在盼到鰲頭信又訛
鰲頭用楚女事遮莫粉香驚潑潑潏潏跳碎月明多

參禪

色空空色靜中參
窈窕香焚寂寞龕
盡脫雲鬟取極樂
雙垂紫袖學和南
打開歡喜瓜猶熱
嚙破因緣藥亦甘
從此誓心同止水
蛾眉不畫月初三

無題

春江愁憶月明時
倚檻曾偷玉篴吹
顧我青琴歌宛轉
瞞人紅豆咽相思
清才蜀國傳花蕊
妙舞南朝讓柘枝
自去小樓雙燕子
更無消息到天涯

出浴憑誰作畫圖
絳紗斜裹雪肌膚
嘗思一笑心先捧

可怪三年語却無書共鐙前
讐越絕曲從花底校吳歛
年來擬向青谿問更有何人伴小姑

相思紅鯉釣春波鯉腹無書喚奈何
夜夜有心來碧澗
年年無緒對銀河乍離楚岫知緣淺
欲度蓬山怯路多
記否隔塘人姓謝曾勞纖手擲金梭

重過綠野山莊

十七年前舊雨來柴門重啟水之隈
一彎楊柳映波綠
無數藕花繞宅栽鬚鬢共憐非昔日
兒童也解勸餘杯
向平婚嫁何時畢好與扁舟詠滌河

張尊生屬題嫩人論劍圖

十年磨出光如雪，一夕圖成氣若蘭。
老去君應憐豔質，年來我已悞儒冠。
歌因斫地聲纔壯，鋏爲思魚忍再彈。
珍重臨歧留七字，報讐容易報恩難。

送尊生別

無那揚州又酒罇，罇前往事不堪論。
髮從別後添新白，眼亦年來向晚昏。
得失文章寸心覺，關河耆舊幾人存。
卽今滿目青青柳，不送君歸也斷魂。

三月三十日同人集桃花塢卽席分韻

年年作客滯天涯
僧院重來鬢已華
太息風光又流轉
不勝花事日欹斜
渭城楊柳歌頻疊
蜀國櫻桃路却賒
我比東皇輸一着
故園歸去已無家

茶蘼香裏酒杯傾
絲竹中年感慨生
惜別傷春歌當哭
暝風斜日雨初生
拚將白髮供多病
悔別青山失舊盟
最是不堪愁裏聽
綠楊城郭鷓鴣聲

一年一度此停驂
往事淒涼祇自譖
學士詞章湮研北

謂山尊先生

嫩人消息阻江南

謂壽芝女史

落花飛絮還無定
聽

雨漂鐙跡已渰
罇酒十千須盡飲
雲容天末換煙嵐

野店山橋更水村江淹詞賦最銷魂
穠如芳草空嘶馬
清到梨花祇閉門
斷角荒煙悲遠道
曉鐘殘夢忍重論
明年此會期相見
珍重衣裳舊酒痕

過友人山莊

野水城南一櫓通
幽栖庾信小園同
煙籠碧樹春無恙
香泛紅螺酒不空
難料陰旌梅子雨
易生惆悵楝花風
天涯兄弟飄零久
愁聽當筵說斷鴻

送沈丹穀恒歸漢陽

欲寄愁心與漢南
側身西望客停驂
弓雖在楚言何益

橘木逾淮味却甘九派江流新欸乃小孤山色舊煙嵐
明年待我姓川閣芳草垂楊韻共探

九月十日陪錢次軒熊介茲兩觀察汪劒潭太
守僧苑觀菊

昨夜微霜氣乍寒黃花僧院笑同看空聞落木催刀尺
幾見征鴻惜羽翰佳節曾曾羞短髮故人多半貴長安
相逢漫作升沈感滿地江湖有釣竿

贈艾霽山

清瑞

此際纔教識面初如君清尚更誰如半生囊橐惟佳句

三陴荒蕪臈草廬何日共傾京口酒有人羞食武昌魚
告君郡事應相笑載得鱗鱗鬼一車

同艾霽山遊建隆寺作

今歲霜遲楓葉青探幽僧苑屐初停十年漚醒連江夢
七字詩參上藥經隔院宗風餘畫壁滿城砧杵感飄零
囑師莫禁無生咒恐有魚龍出水聽

偶成

已破留犁上藥禪唾壺何事又江天羞云白髮三千丈
彈指春風四十年金谷園中情未已石壕村裏淚潛然

關河記得初行役帽影鞭絲劇可憐

南內琵琶製未工失身廝養逐漂蓬幾回幻蜨迷莊叟
無復真龍向葉公還爾明珠雙淚落懷君團扇此心同
筠籠賴有櫻桃贈飽食應須破冷衷

盡道能隨漢使查青門還種舊時瓜誰知王粲常爲客
不及陳登尚有家楚俗文章善窈窕秦源雞犬自桑麻
解鞍一醉蘭陵酒細雨荒城急暮笳

非好樓居倚郡城龐眉修爪繫吾生憐才祇許牛丞相
善病真成馬長卿錦髻香囊傷往事青鞵布韉悔微名

凭欄別有臨流意不爲行雲學水聲

馬磨牛醫事偶然無端涕淚託冰絃雲含遠岫迷朝雨
春送飛花下晚煙老馬畏途甘伏櫪枯魚入市肯忘筌
空空未悞浮生理細味南華第一篇

送張雲巢都轉

青選

之任長蘆

八驕聲裏動吟鞍一路秋光帶笑看此日民情思偕寇
何時官閣再瞻韓鹽書久著桓寬論冠蓋能令貢禹彈
畢竟臣心似水舉頭紅日是長安

三年名刺愧生毛青眼翻蒙一字褒韓孟文章重知己

金張門第本清高，星臨樞斗光難掩。身入幽燕氣更豪，
聖代恩波無遠近。長蘆水接廣陵濤。

寄張綱堃司馬

鉉

曾共僧房折柳枝，當階芍藥佐清卮。流光瞥眼成三載，
花事隨春又一時。司馬襟懷原善病，秦嘉夫婦總能詩。
別來無限傷心事，祇許揚州杜牧知。

輓季廉夫

七字真能手，八叉早年名。姓動京華劇，憐骨強同王霸。
太息書多似趙奢，一夕論交僧院雨。百年休咎女牆雅。

遲君作誄君休怨別後浮生未有涯

自慚文字遠梁鴻君竟窮居似伯通許我妻孥暫栖止
肯因生死負初終數株梅樹虛僧院一卷蘭言付梓工
地下如知應色喜有人老淚哭秋風

謂介茲觀察

偶成

八月長安秋滿天桂花香裏月嬋娟兩開叢菊悲它日
獨客臨流感逝川入市管寧還皂帽閉門虞詡自青氈
輪臺酒冷天山雪爭似鱸魚膾炙鮮

哭介茲觀察

報計傳來墨未乾滿天風雪助清寒十年宦海三春夢
萬里鄉園七寸棺勢去千人原不易饑來覓食事尤難
傷心遺我諸書札滿篋塵封不忍看

春聲

東風昨夜滿江城掃盡巡檐綽繚聲紫蝶黃鸝還色相
長條柔蔓各關情和鳴只合閒時聽好韻多從觸處生
此日江皋逢晝暝賞音仍是董雙成

春色

楊柳青旗襯豔陽風光無那少年場錦江真個來天地

粉蝶何妨度院牆已自映階多碧草不妨燒燭照紅妝
香山歌調樊川曲都是開元舊樂章

春曉

大道青樓傍紫霄流鶯轉後霧全消漢宮圖畫翻新稿
金闕鐘聲賦早朝繞陞桃花含宿雨鋪霜楊柳拂平橋
舊時殘夢如堪續馬背何辭十里遙

春陰

九十繁華晝已長水光山色兩茫茫天應有意滋芳草
人豈無心戀太陽是處野煙迷澤國誰家飛燕宿空梁

猛思夢雨山城夜曾逐行雲下大荒

春寒

梅花已報十分開何事江南暝未回
澗草綠餘冰一片衰顏紅借酒三杯
夜深草閣知江近交感綈袍識面纔
寄語舊時雙燕子莫因春到便徘徊

春姓

積翳浮雲一掃開黃人高奉赤輪來
千家山郭多榆柳十里樓臺半薜苔
早悟畫圖原幻藥肯因天道失奇才
綠蘋轉處黃鶯語誰不看山倒玉醅

送浦情田都尉入都徐牧葬刺史之粵

楊柳西風愴別情
燕山粵海賦長征
霜清魏博都官騎
楓冷吳江刺史旌
回首昭王臺尚在
沉聞韓愈廟初成
明年芍藥花爭發
北雁南魚好寄聲

贈曹良甫山長

懋堅

蠻煙深鎖萬峯開
聞說征車向此回
絕代文章馬遷史
時君修泰州志半生經濟杜陵才
關河險阻悲三峽
生死交情賦七哀
我亦頻年蕭瑟甚
與君須盡掌中杯

儀徵逢陳櫟園畫史

春草堂集卷之四

一別關河十九年聲音如舊鬢蒼然幾回畫稿因君讀
曾否詩篇爲我傳天外雲煙空縹緲江間波浪白潺湲
當前算放秋光去留載黃花上酒船

書馬元伯水部

瑞辰

塞上草後

天使詞人眼界寬黃沙黑水壯奇觀春回榆塞千山紫
雪滿桑乾萬馬寒鯉腹書方悲遠道烏頭願已白長安
當時一樣刀環月多少征人未忍看

漢庭原重賈長沙不許公卿奏疏加忠愛半生同玉局
文章一代屬秋筵北窗又醉都官酒東閣重看水部花

我亦夢中傳綵筆肯將哀怨寫琵琶

馬策刀環絕妙詞蓑然大集已如斯讀君文字知無敵
從古功名有數奇絳帳何妨留女樂白睂纔覽是男兒
勝他澗上看羊客十九年來四首詩

丈夫境不與人同萬里生還歲未終長劍何難倚天外
陰山況已屬關中早年聲價雲間客此日胸襟塞上翁
安得當筵長鐵板爲君高唱大江東

書姚石甫大令榮後湘集後

得受陽和卽 帝恩 京華重賦謁金門

時大令從不
臺灣引見不

遊萬里心何壯但有千秋品自尊
晚節花枝多雨露早朝詩句見屏藩
搏風野望垂天翼南澥鯨原北澥鷗
搏桑東望赤嵌城聞說分符此駐旌
才覺士元非百里民知郭伋喜重迎
桂蒲法網關防密薏苡歸裝馬背輕
好是去思碑在口三年贏得一聲清

相逢且漫說遲遲四十男兒鬢未絲
五角六張官七品千山萬水酒三卮
蠻夷早被文翁化婦孺爭傳白傅詩
士會關河正蕭瑟敢勞馬策贈臨歧

一線陽回萬里春

是日冬至

河梁執手歲華新
我將書劍遊

東粵君更幰帷駐七閩薜荔枕榔符舊識蠻煙蛋雨繁
前因燕公相見如相問

謂張雲
集廉訪

莫說飄飄現在身

登大觀亭弔余忠宣墓

振衣來上大觀亭時節非春草不薰千里江流成獨往
一門死事有孤墳忠魂毅魄靖青史雁汭龍山鎖斷雲
我本吳人能楚舞爲公椒桂薦斜曛

城上高樓俯大江當年果敢世無雙人言閣部生多難
我愛睢陽死不降莽莽波濤空戰壘巍巍祠廟尚靈幢
卽今父老諄諄說多賴丸泥障此邦

江上阻風有懷穆堂同社

牀前月色照關河歲暮依人奈別何
三夜夢君千里外上元分手半年多
江湖此際歸華髮絲竹何年問綺羅
風伯它鄉情太重江頭日日水生波

鄉關不見使人愁送抱推襟感舊遊
書自蔡邕能獨斷

韻非沈約不雙收

穆堂考據經解皆自出論詩必與余商榷之

可知葭莢波

光外望斷雲霞天際頭今夜月明還憶否
有人長劍倚

舒州

登太子磯

卽古羅刹石

三江九派此危磯
颯颯靈旗下夕暉
樅水樓船多北向
池陽烏爵慣南飛
孟襄陽後詩懷落
陸劍南來心事違
磯有孟浩然詩陸
放翁入蜀紀行堪
羨一拳羅剎石銀
砂終古護禪扉

江行得廖鍾隱明府約遊桂林洞庭札子

中流一櫂思茫茫
鼓枻銜杯樂未央
雲裏帝城岑補闕
雪中山水郭河陽
千條柳已回春色
萬里書猶促客裝
寄語岳陽樓上客
安排煙雨語湘湘

梟姬祠題壁

蜀國連營方用兵
吳江落木動行旌
月分環珮焜煌色

夢兆衣裳綵繚聲爨子軍容非不整夫人城勢已全傾
淮南后土還祠廟誰識鳩茲水最清

重之始孰呈王寅軒

正大令

嶺梅記放向南枝杯酒曾陪介壽卮境有琴聲同子賤
家傳書法本羲之河陽花好言非易鄴下囚歸德可知
此日停舟重過訪雪消須賞好春時

金陵鳳凰臺弔李白

吳宮晉室今安在鳳去千年況此臺且盡漂零一杯酒
有誰江漢復憐才蘆花已暎洲前月時節曾驚蓬裏梅

說與先生應色喜適從采石挂帆來

舟泊江陰呈湯漁村都督

楊柳千條繞畫旗弓刀小隊坐論詩愧非杜甫依嚴武
終是奇章愛牧之佳節正當三月好論心真悔十年遲
相思此後須相憶花滿春江夜月時

偶成

無端一葉滯金閨柳絮因風上下狂春色惱人花滿壁
月明無睡簾空牀幾家樓閣燒鐙夜何處笙歌選佛場
三月又當三十日是日立夏落紅如雨趁斜陽

驚心節物換鳴蜩孤負鄉園芍藥宵畫虎不成空畫餅
吹竽未惜竟吹簫客來吳市鬚先白病臥僧房骨漸銷
覓得元霜無藥杵漫勞神女說藍橋

送曾賓谷侍郎入都

一卷青山述德詩曾蒙大筆贈清詞

侍郎贈詩云山自南齊來遂爲君家

有十載此澄江還對芳春酒芳春有酒偃郊扉昔賢懷鄉淚沾衣我今草景猶不歸趨走風塵欲何爲補謝吾家亦有秋屏閣煙雨無趙國絲能繡僭取韓陵石作荒寒山一角

碑別後雲泥應更遠詩前文字願相隨韓公文望裴公節千載龍門此一時

六月西風不我虞黃河波浪接洪湖龍蛇莫辨誰家阨
庚癸頻驚萬竈吁地近江淮原澤國天憐雁鶩騰菰蘆
願公入覲天顏後獻取流民鄭俠圖

呈張雲渠總政

青選

別來消息滿天涯德政仁風繫所思閩海刑章心似水
丁沽鹽莢口如碑

由長蘆都轉之福建
廉訪之兩淮鹽政

寇恂竟許三年

偕王養應添一集詩七字青山勞贈句敢將壽石報公

知余時鐫青山
別墅圓石刻

梅花枝上小春回臘近還教馬足催此去依人同沈范

古來作客有鄒枚片帆江漢原多事早歲功名本不才

輪與揚州好明月照公去尚照公來

公調任長蘆時有
剛月送行圖故云

送唐陶山中丞

仲冕

返金陵

去年白下酒盈罇今日刊江語細論不是攀轅先御李
那能滅燭竟留髡道家雨縫參三昧僧院風懷證六根
桃李門牆新種植春來須寄護花旛

十一月十五日客姑蘇作

底事能消旅客愁中天月色又當頭照來肝膽霜生鏡
吹出關山篴柱樓猶見雁鴻來澤國未聞兵革靖邊州

荒唐轉羨南柯夢畢竟能封片刻侯

汪湘舲顧鐵卿招飲月芳校書寓齋忽接邸報
雪裏邀看姊妹花蘭香萼綠卸驕奢琵琶曲僭紅牙拍
翡翠欄凭繡幕遮大地忽滋新雨露小樓同憶舊
京華貞如骨帶封侯相卜式終能報漢家

舟中書事

絕妙雲容花一枝姍姍何事見來遲香篝焰冷寒侵坐
酒盃冰浮月下帷宋玉竟成神女賦繁欽原有定情詩
巖屏碧蘚知多少都化青萍入夢思

聽到回波子夜聲延年自詡妹傾城果然鬢似蟬衣薄
難得歌同水樣清蠟燭忽垂孤櫺淚琵琶低送四絃情
此生已自多愁甚算漫他生再訂盟

不須檀板與金樽好把新詩仔細論風定有懷波似鏡
夜深無睡月如輪桑間酒已歡今夕柳下誰還學閉門
蔗境未妨銀鹿詐回春消息謾文鴛

繡被香消越鄂舟陽臺人去暮雲收想緣仙骨非張碩
那得嬌兒字阿侯上下圍牀終異夢東西溝水自分流
無端又作東歸客羞與梅花訴此愁

贈歸佩珊夫人

樓主尺知名久，解上龍門識面新。

夫人適上海李復軒先生一代

風騷數枝筆，千秋巾幗幾傳人。秦嘉夫婦原仙侶，班婕才華有夙因。愧我歸帆歸太促，未從雪後見芳春。

客中得一長劍感而賦此

預卜年天外，倚鋒鋌真個勝吳鉤。十年算向胸中事，七字難添額外州。任爾張華能博物，那能歐冶自封侯。城狐穴鼠知多少，未敢從前說壯遊。

過青浦弔王蘭泉司寇

九峰三泖此幽栖官職詩名孰與齊湖澥精華歸錦橐
風雲遭遇有丹梯年登上壽心逾澹目覓重剛性未迷
知否有人三十載偕公衣鉢作刀圭

楊花有贈

吹來消息帽檐邊落落依依劇可憐生就胞胎渾似雪
長成姿態竟如綿不貪春好先辭樹欲偕風狂直上天
回首離亭攀折處玉簫金管思悠然

萍茵沾潤但隨風便不沾泥色亦空羨爾三春同是客
奈余雙鬢已成翁夢爲萍梗隨流水日逐關河類轉蓬

多少離離原上草鶯聲轉處有殘紅

富鈞圃觀察過訪卽席湖舟賦呈

柴門忽爲使君開酒偕湖船獻壽杯三五至交欣把臂

二千餘里許追陪

時邀同北上

林泉隨意供遊覽詩卷同心

論別裁屈指平山七百載歐公去後更誰來

呈鄭夢白都轉

祖琛

十萬天風吹紫鸞聲華傳遍鄭都官憐才榻爲南州下

好客樽如北海寬不負徐君終挂劍

都轉爲孟塗劉君刻其遺稿欣

聞燕姑已徵蘭

謂得文孫

閒雲自笑揚州鶴也向長空倦羽

翰

掃門爲賦高軒過橐筆還歌行路難

時余將北上

木落江關

秋思渴馬喧鈴鐸夜光寒豈無月色來牀下賸有霜華入鬢端此去長安詢米價詩成先乞使君看

北行之際偶有所觸率成長句六首

無端蕩子感天涯塞北江南起暮嗟八百孤寒半溝壑五千貂錦盡蟲沙妖星向夜穿神箭水怪頻年幻鬼車今日安瀾兼報捷不教衰鬢負黃花

千家碁枰奈愁何纔別鄉關欲放歌澗水遠浮菰米黑

山城斜挂薜衣多，薜宣持重船輪粟。賈讓防秋策治河，太息一輪今夜月。清光無恙是嫦娥。

東澥風揚萬斛塵，五雲回首帝城春。不須楊僕三千弩，自信田橫五百人。鮫出珠宮空拭淚，龍飛藥店枉披鱗。漢文莫更虛前席，楚俗於今尚鬼神。

杜甫無勞賦北征，軍書早已報休兵。旌旗日映朝天色，鶩栗風飄出塞聲。飲馬窟歌丁督護，受降城築趙營。平臨邊將帥皆神勇，肯使春來草又生。

木葉橫飛滿陁霜，北行愁見雁南翔。避讐我已同張儉。

赴義誰還似范滂渺渺蒹葭含露白垂垂橘柚破煙黃
豹皮雞肋眞詮在輸與盧生夢一場

寄聲鷗鷺漫相猜幾見鮎魚上竹來良玉要憑三日試
好花何待十分開虛堂鏡影縣如月大道車聲走似雷
此去梁園天近雪賦才祇是遜鄒枚

鄒城道中和筠圃觀察韻同汪以樸茂才淳

曠曠初日照鄒城迅速征車破曉行霜菊容偏同我瘦
露葵心卻向誰傾碑傳先聖當年事道旁有領蓋亭車走長安
此日情直北請公停馬看卿雲多處是王程

鰲陽道中呈以樸

聯吟并繼紀同遊景物當前取次收
峯斂白雲天欲雨
霜欺黃葉樹先秋
幾家老屋藏山腹
何代荒碑臥渡頭
今日恰逢南去雁
好憑鄉信到揚州

登岱

振衣踏遍萬芙蓉
岱嶽初瞻興未慵
偶讀一碑惟帝字

曾聞五樹受秦封
石間俠氣鍾司馬

太史公與燕趙豪傑遊卽此

梁

父悲吟起臥龍
小坐頓生塵外想
滿身空翠下疎鐘

管日塵飛夢裏春
竟教親踐此嶙峋
名齊五嶽尊青帝

象配諸天拱北辰南下黃河奔若線東浮赤日曉如輪
天門何處通呼吸九點青浮大澥濱

九日登陶然亭

無端九日滯京華醉向城南賣酒家叢菊光陰新涕淚
孤鴻踪蹟舊烟霞爲雲我早同東野落帽誰還似孟嘉
藥興陶然亭上望蒼蒼何處不蒹葭

十月六日將出都姚秋農王蓮府兩尚書李芝
齡侍郎李春湖副憲陳石士宮詹姚伯昂侍讀
朱椒堂京尹吳蘭雪中翰皆有題贈之作留此

誌感

十日樽罍九不空都門歸思太匆匆金貂乍接尚書席
玉勒紛停御史驄湖潏應添鷓鴣驚夢功名原是馬牛風
請看永定河邊月照向關山便不同

和卬仙韻

丁亥入都術士某素善符籙能請呂祖降壇邀余往叩其修咎卬判詩云

落拓誰憐范叔袍相思相憶夢勞勞十年作客
羞磨鏡千里依人笑捉刀雙鬢飽餐燕市雪片
帆催送廣陵濤金臺臺畔知音在馬足車塵萬
丈高燕樹吳雲繫所思秋風影裏馬遲遲登樓
好賭黃河賦入洛初唐白雪詞雞肋文章千古
歎豹皮心事幾人知天涯莫漫愁知己韓孟雲
龍會
有期

霜華如雪點征袍紫燕西飛笑伯勞作客請彈馮煖鈇
傳家羞說呂虔刀千重山色明如畫萬壑松聲響似濤
一路景光言不盡馬頭時見月輪高

欲賦三都愧左思蓬萊宮闕葺煙遲西山已見當秋雪
北府初陳出塞詞卿月光輝公相在蘆花消息鷺鷥知
天空澗濶無人際不是成連誑子期

濟南旅次送筠圃觀察先回淮署

男兒有淚不輕彈知己情深心自酸私喜算年腰脚健
同行遠道別離難休因折柳勞深慮算爲看山破曉寒

我已安排千個竹與公一路報平安

別汪以樸

踟躕執手涕漣漣
驀地臨風一籥吹
後會明知無幾日
當筵其奈是離時
寒飛畫角霜千里
梅破空山雪一枝
舊雨相逢如見問
征車爲報尚驅馳

次袁浦對梅有感率成一律呈張芥航潘芸閣
爾河帥沈敘軒觀察

流水空山寄一枝
冰霜劫歷已多時
安排官閣非容易
珍重東風好護持
數點心存天地外
幾生修到歲寒期

羅浮鄧尉花千樹不傍瑤臺春不知

翌日二河帥暨觀察各有題贈書此誌感

灼灼牙旗耀水隈
鵷行中有素鷗陪
天教雪意傳花信
風送春光入酒杯
京雒舊遊湖海志
畫圖新句廟廊材
聖時莫作窮途感
何處公卿不愛才